

淨土叢書

10

普為贈借淨籍贊助編纂及損資
助印預約讀誦受持展轉流通者

回向偈曰

願以此功德	消除宿現業
增長諸福慧	圓成勝善根
所有刀兵劫	水火及饑饉
疾病災難等	普願盡消滅
先亡皆超昇	現眷咸安樂
風雨常調順	人民悉康寧
國運永昌隆	世界普和平
法界諸含識	同證無上道

中華民國六十一年四月初版
中華民國七十年七月再版
西元二〇〇六年二月十五日三版

淨土叢書 全部精裝四十八冊

原編纂者 毛 惕 園 居士

倡印處：(馬來西亞)新山阿彌陀佛蓮社

17, Jalan Permas 10/3, Bandar Baru Permas Jaya,

81750 Johor Bahru, Johor, Malaysia

電話：607-3875122 傳真：607-3867122

手機：6019-7620272

承印處：福峰圖書光碟有限公司

台北市士林區永公路500巷48號

電話：〇二・二八六一九九〇五

本書願與世界各淨宗學會及念佛團體結緣

佛說阿彌陀經講義

第十冊

目次

註疏部
(九)

佛說阿彌陀經講義

民國圓瑛講

佛說阿彌陀經講記

民國慈舟講

阿彌陀經摘註接蒙

民國李炳南編

觀無量壽佛經疏

唐善導集記

楞嚴經勢至念佛圓通章疏鈔

清續法集

觀無量壽佛經略論

清楊文會略論

大勢至菩薩念佛圓通章譯解

民國毛凌雲著

圓瑛法師法彙

序

如來知見。衆生同具。佛若不說。誰能自知。故我

世尊。示生世間。成等正覺。普爲九界衆生。隨機宣說妙法。必使機理雙契。解行俱圓。以致斷惑證眞。復本心性而已。又以鈍根衆生。斷證難期。一經再生。進一退萬。一乘上士。親證法身。不歷僧祇。速成佛道等因緣。特開一信願念佛求生西方法門。俾九法界上聖下凡。同于現生。往生西方。上士則圓滿菩提。下根亦親登不退。其保護撫育之恩。窮劫說不能盡矣。是知淨土一法。乃十方三世一切諸佛。上成佛道。下化衆生。成始成終之總持法門也。當此末法人根陋劣。壽命短促。知識希少。魔外縱橫。若無此法。其何能淑。以故法流震旦。二千年來。所有智識。或專或兼。或顯或潛。各修此法。以期究竟自利利他。也。圓瑛法師。宿具慧根。久研教觀。迹雖住持宗門。心實注重淨土。然圓人受法。無法不圓。隨人意樂。爲講諸經。佛學書局。匯集諸著。排印流通。名爲圓瑛法彙。首以阿彌陀經注。以示法師注重淨土之意。竊以浙江昔有雲棲法彙。近有諦閑講錄。圓瑛法彙。同爲險道之導師。苦海之慈航。有緣遇者。何幸

如之光粥飯庸僧。除念佛外。一無所知。承師不棄。命爲序引。只得略陳所知。以塞其責。而文不貼題。一任大通家之指斥譏誚云爾。
民國二十二年癸酉首夏古辛常慚愧僧釋印光謹撰

佛說阿彌陀經講義卷上

閩泉州大開元寺沙門圓瑛講

講解此經分爲三科 甲初釋題目 二叙譯人 三解經文 今初

佛說阿彌陀經

此六字題目。爲一經之總綱。下全卷經文。乃一題之別目。故解經者。必宜先釋題目。如提綱者則衆目自彰。揭領者則衆縷自直。本題具有能說所說。能詮所詮。兩種能所。按古德七種立題。當判屬第一種。單人立題。佛是此土娑婆教主。能說的人。阿彌陀是彼方極樂導師。所說的人。能說所說。二皆是人。以佛是已證究竟極果之人。故題中並無法喻。二單法立題。如大涅槃經。涅槃是不生不滅之法。並無人喻。三單喻立題。如大寶積經。題中惟喻。並無人法。四人法立題。如地藏菩薩本願功德經。題中無喻。五人

喻立題。如如來說獅子吼經。題中無法。六法喻立題。如妙法蓮華經。題中無人。上三單三複爲六種。七人法喻具足立題。如大方廣佛華嚴經。大方廣是法。佛是人。華嚴是喻。以萬行之因華莊嚴一乘之果德。本題無法無喻。故屬單人立題。

佛是覺義。自覺覺他。覺滿方稱爲佛。何謂自覺。自覺者。對不覺而說。一切衆生。具有本覺。真如佛性。由無始無明所蔽。迷而不覺。一旦聞經領解。或承知識開導。豁然覺悟。自己及與衆生。本來是佛。與佛無二無別。諸佛如已磨之鏡。衆生如未磨之鏡。雖是未磨。光明本具。從此磨之。垢盡明生。自可與佛之鏡。同其照用。此卽是自覺。自覺異於凡夫。何謂覺他。自覺之後。憐憫一切衆生。沉迷不覺。卽以自覺之道。廣演流布。覺悟一切衆生。欲令各各反迷還悟。捨妄歸真。此卽是覺他。覺他異於二乘。何謂覺滿。此有二種。一自覺智慧圓滿。最初發菩提心。起始覺智。依智斷惑。先斷我執。次斷法執。終破無明。惑盡智圓。而得慧足。二覺他功德圓滿。自從覺悟之後。惟依最上乘。發菩提心（利他道心）利生爲事業。宏法是家務。經三祇劫。脩六度行。六度者。一布施度慳貪。二持戒度諸惡。三忍辱度嗔恨。四精進度懈怠。五禪定度散亂。六智慧度愚癡。功圓果滿。而得福足。福慧兩足。二利

圓滿。此卽是覺滿。覺滿異於菩薩。三覺圓。萬德具。乃稱爲佛。

佛有三身。一法身佛。梵語毗盧遮那。此云徧一切處。在有情分上。謂之佛性。卽衆生本具自性天真佛。在無情分中。謂之法性。卽一切諸法實相。古德云。山河及大地。全露法王身者。此也。二報身佛。梵語盧舍那。此云淨滿。煩惱惑淨。權實智滿。能現自他受用之身者。此也。三應身佛。梵語釋迦牟尼。此云能仁寂默。能仁是姓。寂默是名。若約佛德。能仁屬利他德。寂默屬自利德。隨可度機緣。示現八相成道。如月印水。無處不現者。此也。

說者。乃釋迦如來金口之所親宣也。經通五人共說。一佛。二弟子。三天。四仙。五化人。此經揀非餘人所說。乃佛無問自說。因淨土法門。至方便。至直捷。至圓頓。不可思議。無人能問。佛智鑒機。鑒定衆生。能信是法。故無問自說。又說者。悅也。悅所懷故。因觀衆生機熟。於此圓頓法門。自能信願受持。是以暢悅本懷而說也。

阿彌陀。譯云無量壽。經云彼佛壽命。及其人民無量無邊。阿僧祇劫。故名阿彌陀。又譯無量光。經云彼佛光明無量。照十方國。無所障礙。故名阿彌陀。實則彌陀。非但光壽無量。而智慧神通功德。一一皆無量也。彌陀因中。爲大國王。聞世自在王佛說法。卽捐王位。發心出家。名曰法藏比丘。對佛

發四十八願。莊嚴極樂。依正二報。第十二願云。設我得佛。光明有限量。下至不照百千億那由他。諸佛國者。不取正覺。第十三願云。設我得佛。壽命有限量。下至百千億那由他劫者。不取正覺。行滿果圓。隨願所成。故光明壽命。悉皆無量。此約事相而論。若約理性。彌陀法身理體。常住不變。即無量壽義。彌陀根本實智。遍照法界。即無量光義。極樂淨土。即衆生唯心之淨土。彌陀如來亦衆生自性之彌陀。果明此理。則親見彌陀矣。

經者。梵語脩多羅。此云契經。謂上契諸佛所說之理。下契衆生可度之機。此一字是通題。通於經藏。故屬能詮。上五字是別題。別在本部。故屬所詮。此爲第二重能所。能詮不出聲名句文。佛說此經。以音聲而作佛事。阿難結集。以名句文而爲教體。以此四法。皆能詮也。所詮不出信願持名。佛說此經。先詳陳依正莊嚴。以起信。次特勸應求往生。以發願。三正示執持名號。以立行。以此三法。皆所詮也。合能所二詮。無非如來被下之教。爲教經。教中所依實相之理。豈窮三際。無始無終。橫徧十方。無障無礙。即無量光壽義。爲理經。依理所起。持名妙行。一心不亂。徑登不退。爲行經。

又經具貫攝常法四義。貫則如線貫珠。貫穿所應知之義。令不散失。攝則如經持緯。攝持所應度之生。令皆得度。常則三世不易。經云過去諸佛法。

皆如是。法則十界同遵。論云一切菩薩。皆依此法到如來地。又經者。徑也。持名念佛法門。眞修行成佛。徑中捷徑也。初釋題目竟。

甲二敘譯人

姚秦三藏法師鳩摩羅什譯

姚秦紀時也。周時有嬴秦。周平王封非子於陝。國號秦。是爲嬴秦。南北朝時有苻秦。姚秦。苻秦卽苻堅。仕於晉。僭據關中。國亦號秦。謂之苻秦。時太史奏曰。有異星現於西域分野。當有大德智人入輔中國。堅云。朕聞龜茲國有羅什者。得非其人耶。遂遣大將呂光。率兵伐龜茲。謂曰。朕非貪地用兵。聞羅什深解法相。爲後學宗。若克龜茲。宜馳驛送什以歸。後果得什。載歸中道。聞苻堅爲姚萇所害。光卽據西涼不返。姚萇亦據關中。僭號。是謂姚秦。又名後秦。萇亦聞師名。要請入關。而光不允。萇卒。子興復請不允。發兵討之。光姪呂隆降秦。方得迎師入關。今云姚秦。揀非餘秦也。

三藏法師顯德也。有二釋。一通達經律論三藏之法。依法爲師故。二講演經律論三藏之法。以爲人師故。鳩摩羅什出名也。具云鳩摩羅耆婆什。上五字此云童壽。謂童年而有耆德也。什者深善此方文字之謂也。若華梵

合舉。稱爲羅什。按師本傳。父名鳩摩羅毘。家世相國。棄榮出遊。龜茲王以妹妻之。生師。幼而神異。七歲隨母入寺。見鐵鉢。試取加頂。俄念鉢重。我何能舉。遂力不勝。豁悟萬法唯心。博通三藏。人莫能及。故以三藏法師稱之。譯者。易也。易梵語爲華言。音字俱翻。不同呪等。漢時掌四方之語。各有其官。北方之官曰譯。兼善西語。騰蘭初至。由其證譯。故至今皆稱譯。什師入關之後。秦主禮遇特隆。延入西明閣。敕肇叡等八百沙門。咨受什旨。於草堂寺參訂衆經。後道宣律師問天人陸玄暢曰。什師一代。所譯經論。至今若新。受持轉勝。何耶。答曰。其人以悟達爲先。得佛遺寄之意。七佛以來。爲譯經師。又什師所譯經論。三百九十餘卷。咸共流通。臨終對衆發誠實誓。若所傳無謬。當使焚身。舌不焦爛。後弘始三年八月廿日卒於長安。閤維火化也。薪盡形滅。舌根儼然。此經譯於什師。足證實語可信。○問。此經共有幾譯。答。更有唐三藏玄奘法師所譯。名稱讚淨土佛攝受經。二經文義大同小異。時所宗尚。皆弘秦本。二敍譯人竟。

甲三解經文分三 乙初序分 二正宗分 三流通分 此三分始於道安法師。證於親光菩薩論。世稱彌天高判。故後代解經。悉皆依之。序分分二 丙初通序通於諸部故 二別序別在本經故通序又分二

丁初標法會時處 一列聖凡聽衆 今初

如是我聞。一時佛在舍衛國祇樹給孤獨園。

經首通序亦名證信序。以有六種成就。證明此法可信。故曰證信。六種成就者。信聞時主處衆也。如是爲信成就。凡事相信。則言如是我聞。爲聞成就。面命耳提。機教相扣。一時爲時成就。際遇良時。師資道合。佛爲主成就。人天教主。以法利生。祇園爲處成就。不有精藍。安成法會。下大比丘等。爲衆成就。聖凡畢集。如星拱北。如是六事。闕一不可。具足六事。方成法益。故以成就名。

又如是指法之詞。乃阿難結集者之語氣。云如是持名念佛。圓頓妙法。乃我阿難親從佛聞。彼一時釋迦牟尼佛。在舍衛國祇園所說。有若干人在會。阿難唱此六成就。內含四義。一遵佛旨。佛將臨涅槃。阿難問佛。結集之時。一切經首。當安何語。佛云如是我聞等。後則謹遵佛旨。二斷衆疑。阿難結集經藏。高陞法座。忽感相好同佛。衆起三疑。一疑釋迦再來。二疑阿難成佛。三疑他方佛至。迨唱如是我聞。三疑頓斷。三息諍論。阿難位居羅漢。既曰如是我聞。則法有所宗。顯非臆說。故止息諍論。四揀邪教。外道經典。

首用阿憂二字。阿者言無。憂者言有。以一切法不出有無。故用此冠頂。佛經用如是我聞。則揀異邪教也。

下更分解。如是二字。古解甚多。茲不繁引。但據本部經義。如者不異之義。是者無非之義。以顯念佛法門。心不異佛。佛不異心。心佛雖有二名。心佛無非一體。故曰如是。又萬法俱寂。一心不亂。爲如是。是心是佛。是心作佛。爲是。

我者。阿難自稱。非同凡夫。妄執實我。一切凡夫。因執四大妄身。以爲實我。我執既起。貪瞋癡慢。無不從之而生。貪財爲我受用。貪色爲我娛樂。貪名圖我榮耀。貪食養我形體。貪睡爲我安息。由此諸貪。則靡惡不造。若人妨礙我所貪。或剝奪我所貪。則瞋癡慢熾。然並作是我執。乃諸惡根本。身心因此。不得安樂。世界因此。不得和平。阿難已得無我。故不同彼妄執之我。亦非同外道妄計神我。外道有二十五諦。最後曰神我。彼妄計有二神我。周徧十方。阿難已證羅漢。能破外道。故不同彼妄計之我。乃同菩薩假我。及如來法身真我。不妨隨順稱我。

聞者。從耳根親聞如來聲教。入耳達心。憶持不忘。阿難本是多聞第一。憶持如來秘密法門。受領無失。今以聞慧。聞持淨土無障礙法門也。一時乃

說聽始終。心境俱一之時。佛字梵語具足。應云佛陀。譯爲覺者。卽大覺悟之人。此方好略。單稱爲佛。乃十號之一。從本覺理。起始覺智。覺至心源。爲究竟覺。五住煩惱斷盡。二種生死不受。方得稱佛。此指釋迦牟尼佛。在卽住也。

舍衛國譯云豐德。是波斯匿王所都。古解謂國豐四德。解脫多聞財寶五欲是也。愚意財寶五欲。不可言德。當以具足財寶五欲。曰豐人。多解脫多聞曰德。祇樹者。祇卽祇陀。乃匿王太子名。譯云戰勝樹。卽園中所種花果林木。給孤獨。是須達多長者之善名。長者生平樂善。周給孤獨。令得飽煖。故得是名。園卽金磚布地。所買祇陀太子之園。因樹根金磚鋪不到。故樹屬太子園。屬長者。因共成請佛功德。故並存嘉名也。一標法會時處。竟丁二列聖凡聽衆分三。戊初聲聞衆。二菩薩衆。三天人衆。初分

三 己初明類標數 二表位歎德 三列上首名 今初

與大比丘僧千二百五十人俱。

自此至諸天大衆俱。卽六成就中衆成就。與者共也。大比丘。揀非小機初心之侶。具大多勝三義。異餘比丘故。能爲天王大人所共敬仰。曰大。非小。

德也。如梵王師陳如。帝釋師迦葉也。博通內外典籍。多聞廣識。曰多。非寡解也。超出九十六種外道法。高德重。曰勝。非劣器也。比丘梵語。此含三義。一乞士。外乞食以養色身。內乞法以資慧命。二怖魔。受具足戒時。登壇白四羯磨。地行夜叉稱善。於是空行夜叉。天行夜叉。以及天人。各皆稱善。輾轉傳唱。聲達六天。魔王聞已。心生怖畏。怖懼佛界增多。魔衆減少。三破惡。正慧觀察。修持出世淨法。破除一切煩惱之惡。含此三義。故存梵語。卽五不翻中。多含不翻也。

僧。梵語具云僧伽。譯云和合衆。四人以上。多至無量。同一羯磨。不相違諍。猶如水乳相和。函蓋相合。故名和合衆。有理和事和。理和惟一。同證無爲。解脫道故事和有六。身和同住。口和無諍。意和同悅。見和同解。戒和同脩。利和同均。出家人稱六和僧。自當顧名思義也。○千二百五十人者。於鹿苑初度陳如等五人。於木瓜林。度優樓頻螺迦葉。師資五百人。於象頭山。度伽耶迦葉。於希連河。度那提迦葉。二人師資合五百人。度舍利弗目犍連。二人師資合二百人。度耶舍長者子。朋友等五十人。合計一千二百五十五人。今但言一千二百五十人者。略零數也。○問。佛出世間。所度之衆。其數無量。何以獨舉此數。答。以此等最先歸佛。直至佛滅常隨不離。故獨

舉也。一明類標數竟。

已二表位歎德。

皆是大阿羅漢。衆所知識。

上句表位。下句歎德。皆是者。純一無雜也。卽法華經所云。此衆無枝葉。惟有諸貞實。阿羅漢亦含三義。比丘爲因。羅漢爲果。與比丘三義因果相對。一應供。梵行已立。爲世福田。堪受人天供養。卽乞士果。二殺賊。四住已空。見思惑斷。殺盡煩惱之賊。卽破惡果。三無生。所作已辦。不受輪迴。超出三界生死。卽怖魔果。始則受戒願出生死。令魔生怖。今證無生。故云怖魔果。○阿羅漢有實行。權示定性。回心之別。今云大者。非專求己利。得少爲足之實行。阿羅漢乃大權示現。內祕菩薩行。外現聲聞身。深本難思者是也。又非厭有趣空。耽寂滅樂之定性。阿羅漢乃回小向大。發大乘心。求菩提道。助佛轉輪者是也。○衆所知識者。衆卽天人大衆。知識二字。有兩解。一約大衆說。聞名仰德曰知。見面聆教曰識。諸阿羅漢道高望重。爲天人大衆所共知共識者。洵是人天師範。二約羅漢說。深解諦理曰知。博通法相曰識。諸阿羅漢斷惑證真。爲天人大衆中多知多識者。堪作人天眼目。二

表位歎德竟。

已三列上首名

長老舍利弗。摩訶目犍連。摩訶迦葉。摩訶迦旃延。摩訶拘絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。

長老德臘俱尊之號。或但具一。亦可通稱。如年高臘久。位居上座。是謂耆年長老。若智深德重。證羅漢果。是謂法性長老。此二字貫下十六尊宿。非獨指舍利也。此中有有德有臘者。有無臘有德者。並無無德有臘者。

舍利弗。舍利是其母名。譯云鶩鶩。弗卽子也。鶩鶩眼目伶俐。其母如之。連母爲名。故曰鶩子。諸弟子中。智慧第一。初在母胎。已能寄辯母口。八歲登座。論勝十六大國論師。七日之內。徧達佛法。故稱智慧第一。亦姑顯一德。非身子之外。餘皆無智。亦非身子。不具餘德。以表法門無量。各舉一長而已。

摩訶目犍連。摩訶譯云大目犍連。譯采菽氏。姓也。先人入山脩道。采菽而